

*Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22), a u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od dana 25.04.2023. godine, Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima-izmjena, broj: 11-07/01-11-1134-2/23 od dana 11.05.2023. godine, Pravila JU OŠ »Malta« Sarajevo (01-112-1/15) Školski odbor JU OŠ „Malta“ Sarajevo dana 20.07.2023.godine d o n o s i*

## **PRAVILNIK**

### **O VRSTAMA VLASTITIH PRIHODA**

#### **JU OŠ „MALTA“ SARAJEVO**

##### **I-OPĆE ODREDBE**

###### **Član 1.**

###### **(Predmet)**

(1) Ovim Pravilnikom u skladu sa odredbama Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“ broj 104/22) utvrđuje se vrsta vlastitih prihoda u JU OŠ »Malta« Sarajevo (u daljem tekstu: Škola), pravni osnov za ostvarivanje, način uplate i raspodjela.

###### **Član 2.**

###### **(Pravni osnov)**

(1) Vlastiti prihodi koje ostvari Škola, su javni prihodi Budžeta Kantona a raspoređuju se u skladu sa Pravilnikom o vrstama javnih prihoda u FBiH, propisom Kantona koji regulira ovu oblast i u skladu sa ovim Pravilnikom.

###### **Član 3.**

###### **(Pojam vlastitih prihoda)**

(1) Pod vlastitim prihodima u smislu podrazumijevaju se prihodi koje Škola ostvari obavljanjem osnovne djelatnosti i ostalih djelatnosti na tržištu.

###### **Član 4.**

###### **(Način uplate vlastitih javnih prihoda)**

(1) Uplata i evidentiranje vlastitih prihoda vrši se u skladu sa Pravilnikom o načinu uplate Javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“ broj 54/20) i Uputstvom o izvršavanju budžeta sa Jedinstvenog računa Trezora („Službene novine Federacije BiH“, broj 34/16).

(2) Prihodi se uplaćuju na depozitni račun Budžeta Kantona Sarajevo, a mogu naplaćivati i u gotovini.

(3) Škola je dužna vlastite prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih.

## **Član 5.**

### **(Pravni osnov ostvarivanja vlastitih javnih prihoda)**

(1) Pravni osnov za ostvarivanje vlastitih javnih prihoda je:

- Zakon o osnovnom odgoju i obrazovanju
- Pedagoški standardi i opći normativi za osnovni odgoj i obrazovanje i normativi radnog prostora, opreme, nastavnih sredstava i učila po predmetima za osnovnu školu.

## **II- VRSTE VLASTITIH PRIHODA**

### **Član 6.**

#### **(Vrste vlastitih prihoda)**

(1) Škola stiče vlastite prihode po osnovu:

- a) izdavanje izvoda iz nastavnog plana i programa 66 KM,
- b) pružanja usluga učeniku za produženi boravak
  - od 14 do 19 učenika 240 KM
  - od 20 do 25 učenika 222 KM
  - 26 učenika 204 KM
- c) iznajmljivanja prostora u zakup i izdavanja opreme,
- d) prodaje otpadnog materijala,
- e) realizacije pedagoško-metodičke prakse studenata,
- f) ustupanje tenderske dokumentacije, kopiranje i uvezivanje pisanog materijala,
- g) ostalih izvora u skladu sa relevantnim pravnim propisima.

(2) Visinu naknade za izdavanje prostora i opreme u zakup te ostale vrste prihoda navedenih u prethodnom stavu (za koje nije određena visina) određuje Školski odbor škole pojedinačnom odlukom

## **III- NAČIN I ROKOVI RASPODJELE**

### **Član 7.**

#### **(Planiranje i raspolaganje vlastitim javnim prihodima)**

- (1) Ostvareni vlastiti javni prihodi, u cijelosti se raspoređuju Školi.
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- (3) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

### **Član 8.**

#### **(Raspoređivanje vlastitih prihoda)**

- (1) Škola je dužna da redovno prati, putem izvještaja koje dobija od Ministarstva Finansija Kantona Srajevo, dospelost i naplatu vlastitih prihoda;
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda;
- (3) Prihodi koje škola ostvari po osnovu izdavanja prostora i opreme, ustupanje tenderske dokumentacije, kopiranje i uvezivanje pisanog materijala, raspoređuju na slijedeći način:

- 70% za materijalne troškove, tekuće održavanje i nabavku opreme
- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

(4) Prihodi koje škola ostvari po osnovu prodaje otpadnog materijala raspoređuju na slijedeći način:

- 20% za materijalne troškove, tekuće održavanje i nabavku opreme
- 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

(5) Prihodi koje škola ostvari od izdavanja izvoda Nastavnog plana i programa raspoređuju se na slijedeći način:

- 40% za materijalne troškove, tekuće održavanje i nabavku opreme
- 30% za naknadu radnicima koji su sudjelovali u realizaciji poslova
- 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

(6) Prihodi koje škola ostvari od produženog boravka raspoređuju se na slijedeći način:

- 70% za materijalne troškove, tekuće održavanje i nabavku opreme
- 30% za naknadu radnicima koji su sudjelovali u realizaciji poslova.

#### **Član 9.**

##### **(Izveštaj o utrošku)**

(1) Škola je dužna najmanje jedanput u 6 (šest) mjeseci Ministarstvu za odgoj i obrazovanje KS dostaviti Izveštaj o ostvarivanju i utrošku vlastitih javnih prihoda.

#### **IV ZAVRŠNE ODREDBE**

#### **Član 10.**

##### **(Stupanje na snagu )**

(1) Ovaj pravilnik stupa na snagu danom donošenja, a primjenjuje se nakon pribavljenog mišljenja Ministarstva finansija i dobijene saglasnosti na isti od Ministarstva za obrazovanje, nauku i mlade Kantona Sarajevo. Isti će se objaviti na oglasnoj ploči i web stranici škole.

(2) Stupanjem na snagu ovog pravilnika, prestaje da važe ranije donošeni Pravilnik o korištenju vlastitih prihoda Škole.

Broj:01-138-1-1/23

U Sarajevu, 20.7.2023.godine

Predsjednica Školskog odbora  
Elma Žužić